


明朝典彙




漢書門			
九	二	〇	五
一	〇	四	〇
六	三	四	〇
四	架	函	號

內閣文庫			
九	二	〇	五
一	〇	四	〇
六	三	四	〇
四	架	函	號

內閣文庫	
番號	漢 9205
冊數	64 ( 46 )
函號	294 39

四十六



人異都御史李秉云果若所言則爲蹈襲雷同之文而有戾指背理之失然此篇文不背理乃霖之不明也

詔治霖罪奪綵帛表裏入官

淺草文庫

禮部祠祭司主事周騃言設科取士當遵國法禁例洪武

以來舊例曾由科目出身未入流品官生員發克吏罷


閑官吏監生生員娼優隸卒刑喪過犯之人不許入試

今順天府景泰四年鄉試取中舉人尹誠汪諧陳益龔

滙王顯李隨李森錢翰俱係冒籍人數於例不該入試

乞明正其罪以警將來命錦衣衛俱執送刑部問未發

露者許出首逮問同學知而不首者同罪今後科場知



貢舉監試提調等官務在防範嚴切不許容情冒名換卷截卷傳遞文字并說話作弊監門搜檢巡緝監試官軍敢有如前容隱不舉作弊者俱治以重罪兼外執事官臨期於吏部聽選文學出身者克之

初會試同考官從禮部推選翰林院官京官教官皆得為之至是禮部尚書胡濙言翰林院及春坊以文藝為職業宜專其事京官由科第有學行者宜兼取以克教官不許克請著為令從之

五年甲戌以兵部侍郎兼春坊商輅洗馬兼修撰李紹為主考官取士彭華等三百二十人是科吳禎以雜流中

式黎庸阮勤以交趾人中式

庸交趾清威人勤多翼人仕至工部侍郎

三月廷試賜進士孫賢徐溥徐轄等及第出身有差

應天舊無試院每開科借京衛武學為之學地狹每將儀門牆垣拆毀苦葢席舍試畢復修至是冬始以府尹馬諒言以永樂間錦衣指揮紀綱沒官房改造試院

七年二月詔定各鄉試取士額數累朝取士原無定額應天如洪武之丙子永樂之乙酉辛卯俱三百名江西如永樂之甲午等科俱二百名可考也至景泰庚午以來各處增數過濫如順天景泰庚午癸酉則二百二十五名應天庚午則二百名癸酉則二百五名至是裁定

兩京各一百三十五名內三十名取監生五名取雜行  
江西九十五名浙江福建皆九十名湖廣八十五名河  
南八十名山東廣東各七十五名四川七十名陝西山  
西六十五名廣西五十五名雲南三十名

是年從科臣張軾言申禁官員子弟等於官所冒籍科舉  
陝西舊無貢院每試士於三皇廟中是年春始以布政使  
資奏創今試院

覆試順天中式舉人是年鄉試春坊大學士劉儼侍講學  
士黃諫爲考試官時內閣陳循子瑛王文子倫入試俱  
不中選循等遂劾奏儼諫二人閱卷不公請如洪武開

罪劉三五等例重開科考試有旨令翰林院覆閱取中  
試卷大學士高穀懼儼等禍不測欲爲申救蚤朝奏事  
畢出班跪稱少保臣高穀有事聞上因召至榻前具白  
真情且曰大臣子與寒士竝進已不可况又不安於命  
欲構考官可乎由是儼等得釋特旨欽賜瑛倫舉人許  
赴會試時謂之欽賜舉人禮科給事中張寧疏切照陳  
循王文職居輔弼任重經綸所當正已爲人爲上爲下  
而乃以子之故紛章疊奏煩瀆聰明祇爲私謀不恤國  
體大臣之道果安在乎且今歲順天就試者一千八百  
餘名而中式者僅一百三十五名劉儼等假使考試未

精則其間遺漏者亦未止王倫陳瑛而已若一槩援例求進拒之則情偏從之則弊起是陳循等一舉而壞科目之制矣乞正其罪罷歸田里王倫陳瑛仍照不中發回原籍讀書不報

時陳循王文等言考中譯字官劉淳送試不中爲失舊制詔儼等回話宥之王文陳循又言出題偏駁犯宣宗御諱詔禮部同大學士高穀等覆驗取中舉人徐泰等文卷有優於倫瑛者有相等者有不及者又第六名林挺硃卷無批語奏上有旨劉儼等考試不精罪不容迯但無私弊俱宥之林挺并該房考官俱下錦衣衛

獄鞫問情實以聞六科論循文罪當誅斥有旨覽爾等所奏誠爲有理但陳循王文輔導有年國之元老豈可  
以一事之失而遽加之罪姑貸之少保高穀乞致仕詔  
卿持正之心嫌疑之情朕已俱悉但館閣之職正當用  
賢不允所請今後尚加秉忠直以全名節蓋穀面斥循  
文之私而奏全儼等不自安乃有此奏也

按鄉試不第而特許會試者陳瑛王倫也會試不第而  
特賜廷試者洪武中韓克忠等一榜進士也會試不第  
免廷試特賜進士出身者孔諤也

一云諤授中  
允未賜進士

天順元年丁丑正月詔景泰特賜舉人陳瑛王倫竝除名

國朝典彙卷一百二十八  
命內閣學士薛瑄通政司叅議兼侍講呂原爲主試官得  
士夏積等三百人

是科同考則尚寶少卿錢溥司丞李泰翰林典籍徐秘  
蓋官制初變也

三月廷試賜黎淳徐瓊陳秉中等進士及第有差

是年讀卷官徐有貞以武功伯掌內閣王驥以靖遠伯掌  
兵部楊善以興濟伯掌鴻臚寺居內閣九卿首亦時制  
之變也

二年令兩京天文生陰陽人及官生子弟許就在京鄉試  
三年浙江温州府永嘉縣教諭雍懋言朝廷每三年開科

取士考官出題多摘裂牽綴舉人作文亦少純實典雅  
比者浙江鄉試春秋摘一十六股配作一題頭緒太多  
及所鏤程文乃太簡略而不純實且春秋爲經屬詞比  
事變例無窮考官出題往往棄經任傳甚至叅以已意  
名雖搭題實則射覆遂使素抱實學者一時認題與考  
官相左卽被出斥乞勅自後考官出題舉子作文一惟  
明文是遵有不悛者罪之 上善其言命禮部議行  
九月詔逮瀕天考試官學士倪謙下獄謫戍開平以舉子  
奏謙受賄陰事也

浙江試場原連杭州府學以浙江巡按及三司官言士彖

赴科累有作弊者請改於城東廢倉隙地乃立今試場  
四年庚辰二月以學士呂原尚寶少卿柯潛爲考試官取  
陳選一百五十人時有下第舉人萬經恨同考官修撰  
劉宣以同縣人見黜且以李賢弟讓不中遂鼓其說奏  
考官校文顛倒宜正其罪 上疑之召賢問曰此舉人  
奏考官弊何以處之賢對曰此乃私忿考官無弊如臣  
弟讓亦不中可見其公 上乃命禮部會翰林院考此  
舉子荒疎且其人狂妄囊三木部前以狗羣議方息是  
年交陞阮文英慈山人何質扶寧人中式

三月廷試賜王一夔李永通鄭環等及第出身有差

七年癸未命禮部左侍郎陳文尚寶司少卿兼修撰柯潛  
爲考試官試日大火焚死者九十餘人及主試官俱越  
牆免 上憐之贈死者俱進士出身改試期以八月命  
太常少卿兼學士彭時侍讀學士錢溥取中吳欽等  
八年甲申廷試賜彭教吳欽羅璟及第吳後改姓陸是科  
劉淳以翰林譯字官馬愈以欽天監天文生中式  
禮部尚書姚夔請諭祭焚死舉子高潔胡黼涂班曾灝等  
十餘人於郊從之夔祭畢自責不能致防殃及賢俊拜  
地慟哭哀震數里觀者以萬數

成化二年丙戌命太常少卿兼學士劉定之翰林學士萬

安爲主試官取中章懋等三百五十人

三月 上御奉天殿策試賜羅倫及第第一程敏政第二

陸簡第三 按羅倫吉安永豐人對策引用程伊川語

人主一日之間接賢士大夫之時多親宦官宮妾之時

少執政欲截去下句倫不從直聲震於時遂奏名第二

倫以上疏論閣臣李賢不奔喪久之章懋莊景黃仲昭

以諫元宵燈火俱得罪外謫時號翰林四諫又是歲會

試五經各刻文三篇二場刻詔商良臣輅子也敏政李

賢賢 時冢宰王一夔以敏政字精楷力薦於李文達

曰宜爲第一李曰論文不論書遂取倫第一而敏政次

之 是科會元狀元咸稱得人內賀欽莊景韓文熊

許進林瀚黃仲昭王繼皆爲名臣從來得人未有如是

科者論者比之唐韓愈榜宋寇準榜云

五年己丑以太常少卿兼學士劉珣侍讀學士劉吉爲主

試官取中費閏等二百五十人是年交阯人王京中式

三月 上御奉天殿策試中式舉人賜進士張昇丁溥董

越等及第出身有差

七年五月中書舍人呂憲乞就順天府鄉試從之

八年壬辰命禮部侍郎萬安洗馬江朝宗爲主試官取中

式舉人吳寬等二百五十人



國朝典彙卷之三十一 科目  
三月 上親策士仍賜吳寬進士第一先是寬屢試於鄉不利貢入國學絕意仕進不復應舉提學御史陳邈禮聘敦請鄉試遂取第三至是會試殿試皆魁天下不負科名劉震第二李仁傑第三

舊制殿試在三月初一日狀元率進士上表謝恩在初六日是年以悼恭太子發引改殿試於十五日至今因之九年正月北直隸提學閻禹錫奏順天應天兩府鄉試舊制以御史二人監試宜令預於十日前入院庶詳察事端以祛積弊其同考試官宜令所司擇文學優長者素行端介者毋循勢要干請搜檢守號宜用在外部司官軍

毋遣京營之人庶革其傳遞夾帶之弊至於校文須主考官詳慎將同考官落卷并二三場通行檢閱務得積學之士不許懶慢推託且兩京主考係侍從格心之臣若引嫌畏避卽內不足者隨當罷黜試錄就刻舉人文字不許主考代作以妨校閱詔從之

十年八月左庶子黎淳主考順天府鄉試初場得一優卷及觀後場絕不相類疑有弊勾稽墨卷果得謄錄生截卷狀移簾外按其事而取優卷爲第一拆封乃馬中錫亦一時名士時學士謝一夔主考應天府鄉試得王鏊爲第一試錄五策皆刻整場屋中墨卷不易一字

雲南增解額五名著爲令

十一年乙未二月命少詹事徐溥侍讀學士彭華爲會試考官華以從子入場疏辭遂改命侍講學士丘濬取中王鏊等三百人

三月 上御奉天殿親策士親閱所對策賜謝遷劉戩王鏊等進士及第出身有差

十二月黎淳奏科場出題作文定式謂洪武年間已嘗頒降近年所刊程文純粹者少駁雜者多乞移文所司將考試官究治申明科場舊制頒降學校永爲遵守 上曰科舉重事各處出題刊文等事何爲違式差謬該部

會同翰林院學士等官覆奏考試等官務取學行老成之士不許徇私濫舉出題校文并刊錄文字必須合式依經按傳文理純正不許監臨等官干預

十四年戊戌命禮部尚書翰林院學士劉吉翰林院學士彭華爲考試官取中梁儲等三百五十人

廷試賜會彥楊守陞會追及第 是科譚溥以驛丞中式是年以大學士萬安劉珣劉吉吏書尹旻兵書余子俊刑書林聰工書王復兵書兼左都王越掌通政司事工書張文質大理寺卿宋旻克殿試讀卷官

按讀卷官國初用祭酒修撰等官洪武初年國子祭酒

魏觀太常博士孫吳與給事中李顏修撰王傑四人克  
讀卷正統中猶與其事其後非執政大臣不得與而去  
取之柄則在內閣國初於殿試之明日卽傳臚揭榜今  
制約以三日內閱卷禮部地專而入衆庶得盡心鑒別  
云 凡殿試讀卷官內閣於大學士學士等官內具名  
送該部奏請至日與各衙門該讀卷官詳定試卷次日  
同赴文華殿內閣官將第一甲三卷以次進讀俟 御  
筆批定出將二甲三甲姓名填寫黃榜又次日蚤同赴  
華蓋殿內閣官進至御座前以次拆卷將姓名籍貫面  
奏司禮監官授制勅房官填榜畢開寫傳臚帖子內閣

官一員捧榜出至奉天殿授禮部尚書制勅房官將帖  
子授鴻臚寺官傳臚其受卷彌封掌卷官從內閣於翰  
林院及春坊等官并制勅房官內推選與各衙門官相  
兼執事翰林院坊局始不過五人後增至七人遂爲例  
十五年十二月御史許進言近各布政司每遇開科輒徇  
私情所聘考官多非其人以致校閱不精兩京俱命翰  
林官主考故所取得人乞各布政司亦如兩京例命翰  
林官主考爲是 上諭禮部臣曰科目選賢國家重事  
若聘主司有徇私作弊者令巡按御史并布按二司互  
相糾舉或爾部中詳看體訪得出奏來必重治之

十七年辛丑正月禮部言會試天下舉人合用同考試官  
今詩易卷多乞每經各增一員上曰科舉取士務在  
得人增同考試官庶得詳於校閱從之

二月命太常寺卿兼學士徐溥少詹事王獻為主試官取  
中趙寬等三百人 是年李旦以榆林衛軍中式

三月 上親策士賜王華黃珣張天瑞等進士及第有差  
二十年甲辰命詹事彭華庶子劉健為主試官取中儲燧  
等三百人 是科張綸以富峪衛總旗王璠以岷州衛

吏中式

三月廷試賜李旻白鉞王敕等進士及第有差

二十二年禮部尚書周洪謨等奏本年鄉試錄文多乖謬

將考試官訓導黃奎追奪聘禮行巡按御史提問從之

十一月舊例會試舉人以百名為率南數取五十五名北

數取三十五名中數取十名是年內閣萬安禮部尚書

周洪謨俱四川人四川左布政潘稹即希二人意言額

數不均於是南北各退二名中卷多增二名

令舉人授教官六年有功蹟者許會試

二十三年丁未命兵部尚書兼學士尹直諭德吳寬為主

試官取中程楷等三百五十人

三月 上御奉天殿策士賜費宏劉春涂瑞及第



弘治三年庚戌命大學士徐溥少詹事汪諧為考試官取  
中錢福等三百人

三月廷試賜錢福劉存業靳貴等進士及第有差福試策  
三千餘言不屬草辭理精確若宿構然內閣劉健得之  
贊不容口請於上賜第一

舊制殿試畢次日讀卷又次日放榜是年大學士劉吉言  
言時日迫促閱卷未精請展一日第四日放榜遂稱  
四年令醫士在冊食糧執役者許在京應試

九月大學士劉吉奏定舉人三次不中者不許會試  
綿花之嘲出自監中一老舉人也吉去禁限亦除

五年巡撫雲南都御史張泰請開解額下部議增五名

六年癸丑二月會試舉人命太常少卿兼侍講學士李東  
陽少詹事陸簡為考試官取汪俊等三百人

三月廷試賜毛澄徐穆羅欽順等進士及第出身有差

八年言官請雲南貴州鄉試進呈錄稱雲貴鄉試錄共增  
解額五名上從之

九年丙辰二月命詹事謝遷侍讀學士王鏊主會試取陳  
瀾等三百人

三月廷試賜朱希周王瓚陳瀾等進士及第有差

十二年己未二月命大學士李東陽掌詹事府禮部侍郎

程敏政主會試三場甫畢給事中華昶疏劾程敏政將  
論語表題策三問四問題賄賣與江陰徐經蘇州唐寅  
臣思景泰年間徐泰買中順天解元事露覆試學士高  
穀曲護倖免今徐經與泰回家敏政又從而招徠之遂  
與唐寅等相率以賂其門朝廷取士之科關係最大豈  
容再壞疏入下梟獄候問禮部尚書徐瓊等覆議奏  
政迴避其私賣三場題目傳誦於外恐或未真况未開  
榜其所買之人曾否取中難以定奪合令李東陽會五  
經同考官將場中硃卷凡經敏政看者重加校閱果有  
情弊出場之後通行究治揭曉取論文敘等三百人凡  
敏政所取者李東陽等俱封收備照不錄工科給事中  
林廷玉復疏敏政閱卷可疑六事上之於是逮廷玉敏  
政并下獄會多官廷鞫事聞黜舉子唐寅徐經等十餘  
人爲民令敏政致仕調臬南京太僕寺典簿廷玉海州  
判官

三月廷試賜倫文敘豐熙劉龍等進士及第有差  
十四年七月掌國子監禮部右侍郎謝鐸言四事二曰重  
科貢以清入仕之路謂各省考官皆御史方面之所辟  
召職分既卑權衡無預以外簾之官而專去取關節相  
通人圖倖進必差京朝官二員以爲主考庶幾革弊而

真才可得疏入下所司知之

按國初考試官雖儒士亦在所聘惟其人而已後專任教職乃有遺珠之嘆至是以從禮臣言以京朝官為主考而不拘見任致仕故少卿楊廉以服闋主浙江主事王守仁以病痊主山東試已而言官劾楊爲不孝王爲不忠法遂廢至嘉靖戊子復行之僅兩試而止迨萬曆乙酉復行之至今不變云

十五年壬戌二月命吏部左侍郎吳寬侍讀學士劉機主會試取魯鐸等三百人

三月廷試賜康海孫清李廷相等進士及第有差

十八年乙丑命大常寺卿兼學士張元禎左春坊大學士楊廷和爲考試官取中董玘等三百人

廷試賜顧鼎臣董玘謝丕及第初閣臣擬魏校第一因策中有陛下一日之間在坤寧宮之時多在乾清宮之時少等語不可宣讀抑置二甲第九而顧遂得首擢相傳上於內殿焚香顧天願得真才以佐治理故是科舉士至貴近臣毋慮數十百人而名臣亦不乏云

是科會試一名與二名湛若水三名崔銑四名謝丕五名安盤俱入翰林亦一奇也

正德三年戊辰命大學士王鏊吏部尚書梁儲爲考試官

取中邵銳等三百五十人

廷試賜呂柟景暘戴大賓及第時焦芳子黃中二甲第一  
劉宇子仁第四皆逆瑾黨也因刻黃中及三甲第一人  
胡纘宗策俱授翰林院檢討改仁及邵銳黃芳爲庶吉  
士後瑾誅黃中仁爲民銳芳纘宗俱坐貶或傳會試鎖  
院後劉瑾以片紙書五十人姓名欲登第主司不敢拒  
唯唯而已瑾曰先生輩恐奪賢者路耶卽開科額三百  
五十人皆上第

五年八月禮部左侍郎費宏奏山東河南陝西山西解額  
係劉瑾增者今科姑聽俟後科復舊從之

六年辛未二月命大學士劉忠詹事靳貴主會試取鄒守  
益等三百五十人

三月廷試賜楊慎余本鄒守益等進士及第出身有差慎  
輔臣楊廷和子博洽有才名京師人猶稱爲面皮狀元  
九年甲戌二月命大學士梁儲翰林學士毛澄主會試取  
霍韜等四百人費宏以儲位在已上仍將會試錄旁注  
貼說指摘以進 上察知之置不問

三月廷試賜唐臯黃初蔡昂及第初費溪人也朱寧惡大  
學士費宏譖於 上論其私鄉人罷官

十二年丁丑二月命大學士靳貴少詹顧清主會試取倫



以訓等三百五十人 倫與二名汪應軫三名葉式四名江暉五名王廷俱入翰林

三月廷試賜舒芬倫以訓崔桐等進士及第出身有差

夏四月大學士靳貴罷先是辛未春貴主考會試言事者

詆其受賄鬻題事是年春貴以病在告既而稱愈出典

會試益致羣疑於是言官復醜詆之貴遂致仕

十四年己卯江西以宸濠之亂遂廢鄉試濠平給事中王

紀請次年舉行不報至嘉靖元年巡按御史唐龍請依

額倍取禮部覆議從之

十五年庚辰 上在南京命吏部左侍郎石珪侍讀學士

李廷相為會試考官取張治等二百五十人以 上

巡未廷試

十六年辛巳夏五月 世宗登極始殿試庚辰中式舉人

禮部奏 武宗喪禮事宜從簡 上御西角門策問賜

楊維聰陸鉞費懋中等進士及第出身有差狀元率諸

進士於西角門上表謝恩

按洪武辛亥有進士永樂癸未無進士天順癸未亦然

永樂初卽位天順南省火皆以明年甲申會試永樂巳

丑 成祖北征又明年殿試故有辛卯進士正德庚辰

武宗南巡明年 世宗卽位故有辛巳進士我朝至正

德止百六十年癸未惟一舉

嘉靖元年左諭德溫仁和侍講穆孔暉主順天鄉試仁和頗有議南道御史王木劾其私通關節大得包苴不報二年癸未命大學士蔣冕吏部尚書石琚主會試取李舜臣等四百名是科交趾人陳儒中式仕至右都御史

三月廷試賜姚涑王教徐階等進士及第出身有差

五年丙戌二月命大學士賈詠詹事董玘主會試取趙時春等三百人

三月廷試賜龔用卿楊維嶽歐陽衢等進士及第出身有差是日賜宴禮部會武定侯郭勛侍勛因奏歷年賜宴主席大臣位次居中今宴圖乃左右列坐臣無足齒柰辱朝命何得旨如舊規行比入宴禮部設席仍左右分列勛不得已就左席已復疏爭之上責禮部不奉詔令自後務遵故事毋再爭擾

禮部尚書席書言舊例廷試貢士掌卷官先行看閱分送內閣然後以次及於九卿進士甲第前後第決於讀卷官職之尊卑不復論其文之高下非所以示大公也自今謂宜糊名混送以防奸弊其一甲三名不分內閣九卿從公會取既定然後輪次均填不宜偏私以官爵爲序疏入上初未允書復爭論乃許之

先是廷試納卷之日彌封官以首列數名送內閣備首選內閣密覘容貌及平日有名者閱卷出東閣歸宿私第至是乃詔彌封官不得呈卷於讀卷官而閱卷者不得宿私第

六年兵部左侍郎兼學士張璫條陳慎科目三事一正文體請令主司校文務取平實爾雅有裨實用仍於周禮儀禮中出策一道使之習於禮學一明實錄言鄉會試錄宜取生儒原卷稍增損一二字不必盡出已筆分考校之功一慎考官請各省鄉試宜如兩京事例擇翰林院科部官爲之主考 上深善其言令所司如議舉行

各省鄉試主考令禮部舉京官或進士每省二人馳往供事監臨官不得參預兩京鄉試主考外五經房仍各加科部官一員

九月右庶子韓邦奇方鵬主順天府鄉試疏中引用經文有曰元首喜哉股肱起哉又曰帝光天之下萬邦黎獻共惟帝臣錯亂二語截除數字又聖學先朝龍飛字樣俱不擡頭錄中訛字復多提學御史周易劾奏之而疏中亦誤以於爲海於光輝爲光暉部覆得旨科舉重事京闈又文教所先乃錯謬至此何以垂示四方韓邦奇主典文衡麤率不謹擡頭違式擅更經文字義差訛詞

語重復周易欲舉他人之差謬而已亦差謬俱降一級  
改南京用方鵬旣同職掌失於查對御史丘道隆等監  
試不蚤糾舉各停俸二月示罰同考署員外郎鄧尚義  
等不係專責姑宥之試錄仍命順天府校閱改正邦奇  
降南太僕丞易降南右衛經歷

八年己丑命大學士張孚敬學士霍韜爲考試官取中唐  
順之等三百三十人

廷試 上親策賜羅洪先程文德楊名及第先是大學士  
楊一清等以洪先文德名及唐順之陳東任瀚六卷進  
覽 上 一一品題卷首各御批於洪先曰學正有見言

讜而意必忠宜擢之首者於文德曰探本之論於名曰  
能守聖學以爲此知要之說於順之曰條論精詳殆盡  
於東曰仁智之用著之吾心此不易之說於瀚曰勉吾  
敬一之爲主忠哉六策以有御批刻錄中是歲大學士  
楊一清等考庶吉士以唐順之任瀚陳東三名爲 上  
御批取首列居數日有 旨 邇年以來每爲大臣徇私  
選取市恩立黨唐順之等一體除用有才行卓異學同  
優正者吏部舉奏收之翰林以備擢用

六月大學士楊一清言舊例進士開科禮部奏請於國子  
監立石題名儒臣撰記正德六年以來國家多事因循

不作 皇上敦化崇文始命輔臣追記補之嘉靖五年  
丙戌科題名記僉謂臣職當撰述臣竊謂此記雖禮部  
題請命翰林院撰文然未嘗奉旨專命何官而各年碑  
石竝書臣奉 勅撰其文又未嘗呈覽撰之事體似有  
未安竊聞先朝大學士楊榮李賢等連科撰述皆出  
知如况我 皇上聖文溢發凡近日冊詔誥勅有所指  
點皆非臣等所及臣謹以模稿錄進伏乞少運 睿思  
改發工部仍行翰林院撰定制勅房官一員書寫勒石  
以後俱可照此行 上從其言遂著為令

十年四月給事中謝存儒奏言登進士人宜倣周世辨材  
論官之法布衣羅崇槩乞命督學憲臣廉察德行以為  
黜陟禮部覆議從之

十一年壬辰二月命少詹事張潮侍讀學士郭維藩為會  
試考官取林春等三百十六人先是禮部尚書夏言當  
知貢舉條上三事曰變文體以正士習責主師以定程  
式簡考官以重文衡 上曰文運有關國運所係不細  
近來士子經義詭異艱深大壞文體誠為害治宜明禁  
諭務醇正典雅明白通暢如仍前鈎棘奇僻痛加黜落  
甚則主考具奏處治

三月 上親策試舉人賜林大欽孔天胤高節等及第有



差 先是禮部尚書夏言上疏請正文體諸刻意騁詞  
浮誕决裂壞文體者擯不得取 詔可既廷試言復令  
儀制郎中約束諸士咸拱聽而大欽獨後至不聞也起  
不用對冒而文氣甚奇吏部尚書汪鉉得之詫曰惟哉  
以示大學士張孚敬已定二卷覽之曰雖破格甚明健  
可誦也取為第三既呈覽 上御批第一大欽時年之  
十有二第二名孔天胤以王親例補外湖廣提學僉事  
十二年十月禮部尚書夏言疏言各省開科名為鄉試原  
係有司職務實古人鄉舉里選之遺意近以京官主試  
亦一時補偏救弊之法可偶一行之若踵為常規又不

無弊况考官與按臣每爭較禮節競生嫌隙一切事宜  
多有未便請罷之 上從其請令仍用教職

十三年命侍講學士廖道南侍讀張袞主順天試諭德倫  
以訓贊善張治主應天試取歐陽喚鄭維誠各百三十  
五人道南以初場進題遲下禮部叅請辭鹿鳴宴不許  
時吏部尚書汪鉉子不第上疏指摘道南事引 太祖  
誅劉三吾例道南引劉儼事答俱不問時應天進呈試  
錄失裁山西進呈試錄誤夾片紙 上皆謂其不敬不  
應天府於南京法司山西布政司官巡按御史各逮問  
十四年乙未先是貴州鄉試附雲南道里不便給事中田

秋議欲於該省開科下巡按御史王杏勸議稱便因請  
二省解額命雲南四十名貴州二十五名各自設科

命侍讀張璧侍講蔡昂主會試取許穀等三百三十人

廷試賜韓應龍孫陞吳山等三百二十五人及第出身有

差次日宴於禮部殿試日 上親賜策問及讀卷畢李

時以十二卷進降諭曰卿等所進卷朕各覽一週其上

一卷正合題意夫周道善而備朕所取法其上三說仁

禮爲用夫仁基之禮成之亦甚得題意其上四論仁敬

夫敬而能仁他不足說可以保治矣其上二略泛而滯

於行其下二却似儻雖與題不合然言及時事故朕取

之可二甲首餘以次列去不知是否卿可先與鼎臣看

一過再同讀卷官看行 上復御批首三卷曰是題本

意可一甲一名說仁禮之意好可第二名敬爲心學之

要此論好可一甲三名是歲并李璣趙貞吉郭朴敖銑

任瀛沈宏駱文盛尹臺康太和九人策皆刻蓋自有制

科以來朝廷策士未有親承 聖問躬自披閱如是舉

者後禮部因請以 聖諭恭列登科錄篇首其十二人

策對俱以次刊刻從之

十六年八月命侍講學士姚涑中允孫承恩主順天試諭

德江汝璧洗馬歐陽衢主應天試取鄭光溥王諷等各

百三十五人南考官批語失列名下部叅看謂不敬當  
提問又策題以周禮祀戎爲問語多譏訕試官汝璧循  
錦衣衛建訊提調府尹孫懋丞楊騏監場御史何鋹沈  
應揚南京法司究問房考學正許文魁等所在巡按建  
問所取士不准會試後復許之降壁提舉衢通判  
禮部尚書嚴嵩又指廣東錄聖謨帝懿四郊上帝俱不  
擡頭陳白沙倫迂崗非君前臣各義且飛衛紀昌道遇  
交射黃郊紫薇碧虛子問答惟異 詔學正王本才等  
布政陸杰等按察司蔣淦等俱巡按官逮問本才等仍  
奪禮幣御史余光法司逮訊仍通行天下提學官禁士

習恆誕違式者悉黜之

十七年戊戌二月命大學士顧鼎臣吏部左侍郎張邦奇  
爲考官取袁燁等三百二十八

三月廷試賜茅瓚羅瑄袁燁等進士及第出身有差

時內閣初擬陸師道爲狀元 御筆批作二甲第五改

袁燁第一文華殿宣讀已出復 召大學士李時夏言

學士顧鼎臣入改燁第三擢茅瓚第一

十九年詔增湖廣解額先是湖廣額八十五名巡按御史

姚虞奏請增額禮部覆請 上曰湖廣朕 皇考德化

所及之地解額准增九十名



二十年辛丑二月會試命掌詹事禮部尚書溫仁和侍讀  
學士張袞爲考試官取林樹聲等三百人

三月廷試賜沈坤潘晟林一鳳等進士及第出身有差  
二十二年禮部言人才之生其地者多寡不同故解額因  
之而異至於會試則分爲南北中卷取之各有定數所  
司不得增損奈何法久禁疎遂有遊學矯詐之徒見他  
方解額稍多中式頗易往往假爲流移冒籍入試至有  
脫逃罪犯變易姓名奔徙營求靡所不至會試舉人報  
籍印卷亦有假託族屬改附籍貫朦朧開具以南作北  
國法罔存士風大壞乞於明年會試嚴加覈究但係先

年冒籍嘗經恩赦者許其歸正其他籍貫不明妄報中  
卷地卷者本部指名叅退仍行兩京各省凡遇鄉試開  
科提學考選生儒不得將流移附籍之徒一槩濫收以  
玷科目違者奏請治罪報可

中書舍人陸煒乞應順天鄉試許之中書實授者法不得  
試煒錦衣衛都事炳之弟也

逮繫巡按山東御史葉經詣京朴死於闕廷初經劾嵩受  
表柙惟憊賄事嵩啣之及經監山東鄉試進呈試錄中  
有諷上語 上覽試錄手批其第五問防邊禦虜策曰  
此策內含譏訕禮部其叅看以聞於是尚書張璠等言

今歲虜未南侵而以醜虜饜飽爲詞誠爲可惡考試官  
教授周鑛李弘教諭劉漢陶悅胡希顏程南吳紹曾葉  
震亨胡僑率意爲文叛經訕上法當重治監臨御史  
葉經漫無糾正責亦難辭其提調布政使陳儒惡張  
臬監試副使談愷潘恩俱屬有罪上曰各省鄉試出  
題刻文悉聽之巡按考試教官莫敢可否此錄不備策  
對含譏卽首篇論語義繼體之君不道葉經職司監臨  
事皆專任非同鑛等陳儒等俱令逮繫至京治之尋逮  
經儒臬愷恩至上以經狂悖不道命廷杖八十爲民  
經遂死於杖下降補儒等爲宜君等縣典史

初順天鄉試歲多冒籍中者慈谿人張汝濂易名張和冒  
良鄉籍禮科給事中陳棐劾奏之因歷陳京衛之弊請  
令所司覈究順天府學冒籍生員俱遣回籍降等肄業  
京衛武學非武職應襲不得濫入歲貢援例監生類舉  
入教官會試例止得一人京闈後但本省應試而京闈  
鄉試如各省法唱名辨驗不得混冒得旨張和下法  
司逮治冒籍生員提學御史覆勘餘俱下禮部會議給  
事中李念疏論工部侍郎陸杰從子光祚太僕寺卿毛  
渠子延魁鴻臚寺卿陳璋子策冒京衛順天二學中式  
劾杰等欺罔不忠提學御史謝九儀以被訐冒京衛順

天二學中式鄭夢綱等十人論奏俱下禮部行所司覈其真僞至是議上謂孫鎡孫鐘王宸陸宏四人係錦衣衛太醫院見任官親子任當存留會試鄭夢綱陶大壯沈譜丁子載陸可成翟鍾玉六人俱詐冒籍貫當發回原籍入學肄業仍得應其鄉試陸光祚陳策毛延魁雖稱隨任終屬冒籍亦當一體發回得旨孫鎡等鄭夢綱等俱依擬陸光祚等姑准存留不許割制陸杰陳璋毛渠俱貸之

詔褫貴州鄉試監臨御史魏洪冕職爲民提調布政使侯緘叅議翁學淵監試副使王積僉事施昱各降三級考試官教授楊伯元教諭穆旺謝德聰歐陽深黃持衡各降雜職是歲貴州所進鄉試小錄體式多違誤其書經義及論詞復乖盪不經禮部叅請薄罰上謂其差謬既多且意涉譏諷特重譴之

南京御史包孝奏辛丑會試禮部尚書溫仁和主試編修嵇世臣爲禮經分考賄中進士徐履祥陳志潘仲驂當追罷且言庶子童承敘之嗜酒贊善郭希顏之輕險編修袁煒之放蕩俱不堪典試事宜量行別用時仲驂等授官仁和承敘已故吏部覆希顏煒等俱令痛加策勵上責部臣不行分別查究漫無可否希顏煒事無指實

照舊供職世臣等事屬曖昧置不問

二十三年甲辰二月命禮部尚書張潮左庶子江汝璧爲  
會試考官時潮入貢院三場畢以病死輿屍出考試唯  
江一人而後序則屬同考修撰茅瓚爲之取中瞿景淳  
等三百二十人

三月 上親策試士賜秦鳴雷瞿景淳吳情及第而少傅  
翟鑿二子汝儉汝孝俱與焉少傅以嫌故辭讀卷不許  
既試以進呈卷上 上疑汝儉等在首甲因抑第一卷  
寘第三復抑第三卷寘二甲第四拆卷果汝孝也 上  
又夢聞雷遂拔鳴雷爲狀元

八月刑科給事中王交王堯日論劾少詹事江汝璧修撰  
沈坤編修彭鳳歐陽喚員外高節朋私通賄大壞制科  
大學士翟鑿以內閣首臣二子汝儉汝孝既聯中鄉試  
又連中會試若持券取物然崔奇勲乃汝儉等師焦清  
與汝儉結媼又同受業四人者會試俱一號汝儉汝孝  
奇勲皆彭鳳所取詩經考官五人何俱在鳳一房歐陽  
喚亦汝儉等師本同經又改看書經跡若引嫌而陰助  
鳳尋卷及沈坤之取中陸燁高節之取中彭謙汪一中  
皆以納賄故乞明正其辜且欲追順天鄉試主考秦鳴  
夏浦應麟阿奉翟鑿之罪 上下其章吏部都察院從

公參看鑾隨具疏自理且請特降題目命部院大臣覆  
試 上怒曰鑾被劾有旨參看乃不候處分肆行擾辯  
屢屢以直無逸爲辭同夏言禁苑坐轎止罪一人全不  
感懼敢以撰科文贊玄修爲欺朕內閣任重不蚤赴以  
朕不蚤朝竝君行事二子縱有軾轍之才豈可分明竝  
用恣肆放僻如此部院其參閱治罪不許回護部院覆  
請下汝璧於理嚴究分別情罪重輕 上以跡弊明顯  
大壞 祖宗取士之制遂勒鑾并汝儉汝孝奇勲清及  
鳳喚俱爲民汝璧等俱下鎮撫司逮問已法司會鞫謂  
汝璧鳴夏應麒雖各阿取輔臣之子然實非賄故坤之  
取煒節之取一中亦然獨彭謙實以校尉張岳賄節五  
白金而中御史王珩沈越失於糾察罪亦難逃疏上  
詔杖汝璧鳴夏應麒六十革職閑住不敘珩越降一級  
調外任節岳充軍謙爲民坤一中煒存畱供職  
二十五年禮部覆南京給事中萬虞愷等條款科場事宜  
請會試及兩京主考翰林官內盡數開列及部科官亦  
多擬上候點其各省鄉試請聘教職不足則聘外省推  
官知縣等官入內簾主事外簾不得有所于與卯卷封  
號須加詳慎入場始唱名給卷納卷卽登時彌封使奸  
人不得措手以杜關節得 旨會試及兩京考官着遵

舊制餘如議行

七月初貴州原附雲南額取二十一名嘉靖十四年始於本省開科定額二十五名至是撫按官王學益蕭端蒙等奏本省人才加盛又附湖廣鎮遠等伍衛軍生乞量廣解額 詔增至三十名遂爲例

二十六年丁未禮部尚書費宗知貢舉當入場進題以從子懋文應試請以右侍郎崔桐入場領題先於朝房宿歇至期同捧入朝 詔從之

二月命吏部左侍郎孫承恩張治爲會試主考官取胡正蒙等三百人

二月廷試賜進士李春芳張春胡正蒙等及第出身有差  
二十八年應天鄉試禮部尚書徐階子璠倩人入場事覺南京給事中萬文宗及監察御史楊順張鑑論階縱子犯法請罷階因疏求去 上以階日直左右其子犯法遠不得知 詔令安心供職

二十九年庚戌二月命禮部尚書張治吏部侍郎歐陽德主會試取傅夏器等三百二十人

三月 上親策試士賜唐汝楫呂調陽姜金和及第  
三十一年給事中黃元白言京闈鄉試伊邇宜慎選考官如沈馬黃廷用素行不謹恐序當及之有玷文衡 詔

以延用調南京別用遂改南京兵部員外郎

八月江西鄉試貢院火巡按御史蕭端蒙因論執事諸臣

罪詔下金谿知縣劉焮等六人於御史訊問奪右叅

政馬森按察使陳洙副使譚大初俸一月

三十二年癸丑二月命大學士徐階待講學士敖銑主會

試取曹大章等四百人

二月上親策試士賜陳謹曹大章溫應祿及第

三十四年十月先是貴州開科附以湖廣五衛無何又以

四川永寧撫司學附焉未嘗限其名數由是四方遊食

逋罪生儒皆冒五衛永寧籍求試貴州生儒亦既憎之

其後雲南廣西學校近貴州境者且復求附科至是衛

史孫衷請行禁止部覆報允令貴州鄉試不得復請附

科五衛永寧中式勿得過三人

三十五年丙辰二月命大學士李本少詹事尹臺主會試

取金達等三百人

三月上親策試士賜諸大綬陶大臨金達及第

三十八年巳未二月命吏部右侍郎李璣太常少卿兼學

士嚴訥主會試取蔡茂春等三百二十人

三月上親策試士賜丁士美毛惇元林士章及第

四十年八月命諭德吳情侍讀胡杰主應天試取許國

等百三十五人

禮科給事中丘岳等奏應天錄文既已傳布而考試官真情屢行更易胡杰不行救正乞分別究治得旨俱調外任情遂調廣東市舶提舉杰廣平府通判吳情無錫人其邑之預薦者凡十三人以是籍籍自是南畿之在翰林者不得入南試以爲例

四十一年壬戌二月命大學士袁煒吏部左侍郎董份爲考試官取中王錫爵等三百人

廷試賜徐時行王錫爵余有丁及第是歲煒承恩特賜白金文綺御膳於棘院份亦與焉蓋異數也少保兵部尚書楊博左都御史潘恩以子中式辭讀卷不許工部尚書雷禮以督工辭讀卷許之仍敕列名於錄又特用吏部左侍郎李春芳不爲例

四十三年禮部覆南道御史官所陳兩京鄉試革弊事宜今後兩京主考不用本省人如資序挨及南人用北北人用南以別嫌疑又同考用京官進士出身者易詩書各二員春秋禮記各一員其餘叅用教官以便覽察又膳錄用書手對讀用生員以防洗改但此三事專爲兩京鄉試而設其各省及會試亦當因其說而廣之因更上六事一會試及兩京鄉試監試官預於二十日前選



差以便防範一巡視搜檢務加嚴慎以杜奸弊一各省務精選才望內簾官無令外簾干預應舉生儒二十五名中一名中式之文務崇簡易凡浮繁冗雜詭僻不經悉行黜汰仍叅取後場以采實學一解原卷到部以憑稽查得旨各鄉試俱照舊規令監臨公同考官揭書出題提調監試等官不得干預餘皆如議行

遣御史陳聯芳凌儒監順天鄉試上以科場事宜邇年弊多諭儒等悉心綜理嚴加禁革先是兩京監試御史皆臨期方遣禮部以爲不便防奸故是歲遣官蚤云

命諭德汪鏗中允孫世芳主應天試世芳以病卒於貢院輿屍而出同考官吏部主事蔡國珍代爲後序是歲詔自今兩京鄉試同考官仍擇文行俱優年力精壯教職克之罷部臣勿遣時給事中辛自修鄧楚望御史羅元佑交章摘發科場奸弊冒籍生員章禮等五人關節監生項元深等三人元深乃禮部主事戚元佐所薦同里人也於是自修等併劾元佐曹棟復言戶部尚書高燿薦屬官陳洙爲考官托其子高堂遂得中式而外簾爲之關節者卽宛平縣丞高燦燿之親弟也俱請論如法疏下禮部查議獨黜冒籍陳道箴呂祖望回籍克附禮等各行原籍勘實堂元深等以覆試文可俱准中式

燿元佐洙俱不坐燦以始不引嫌調外任於是罷部僚  
與試而行提學御史徐燿通查在京冒籍生員斥遣有  
差復 詔增拓舉場前地臨入試時增遣監場御史二  
員先於場門外檢閱以進著爲令

四十四年乙丑會試命御史李邦珍鮑承廕監視周弘祖  
顧廷對場外搜檢 詔申嚴懷挾傳遞之禁犯者執送  
法司問罪仍於禮部前枷號一月已邦珍等條上革弊  
四事一防洗改腳色及彼此交換之弊一防冒替之弊  
一防喧競抗違之弊一防懷挾透漏之弊 詔皆允行  
已搜獲懷挾舉人十數各枷號禮部前杖發原籍爲

命吏部左侍郎高拱侍讀學士胡正蒙主試初場進題  
上以民之秉夷爲忌問少師階欲究治拱等階解釋之  
乃已取中陳棟等四百人

廷試賜范應期李自華陳棟及第是歲讀卷工部尚書管  
吏部左侍郎事董份亦用李春芳例也份遷禮部坐事  
爲民與大學士袁煒病故登科錄不載是歲進士陶大  
順子允淳同科大順卽大壯前順天所發回冒籍者

隆慶元年直隸提學御史耿定向奏科場事宜一兩京鄉  
試主考官宜簡學行兼長者毋拘年資一兩京同考官宜  
令廣取正備卷呈送主考如所取未稱責令再閱或付

別房覆校主考仍自行按閱落卷果有異材亟收錄之  
毋避嫌輕棄一主考官止宜發初場試卷付同考分經  
校閱二三場更易品訂毋專委一人致令偏重初場遺  
真才積學之士一邇來經書時義體制大壞有浮蔓至  
千餘字者宜嚴立程式一篇止許五百字以上六百字  
以下違式者毋與謄錄一命兩京各省於揭曉之日以  
中式舉人硃墨卷發提學官查驗鈐封送京府各布政  
司解部以防偽濫一革去兩京應試監生字號與生員  
一體彌封取中之數仍如舊額滿三十五名則止已而  
御史陳聯芳亦言重後場以羅實學及令兩京同考閱  
卷不必書各房字樣主考止以文字去取毋以考官爲  
額數分房爲次第禮部議覆俱允行之

浙江巡按御史王得春言各省舉人牌坊銀乃國家賓興  
盛典至嘉靖三十七年始以邊儲缺乏權議扣減似非  
昔人勸駕續食之義宜查先年例全給禮部議覆從之  
八月命諭德王希烈中允孫鋌主應天試初 上用議者  
言兩京鄉試監生卷各革去四字號於是南監中式僅  
數人虧舊額四分之三旣揭曉後考試官王希烈孫鋌  
等至國學謁文廟而監生下第者數百人誼譟於門外  
伺希烈等出遮訴語甚不遜事聞 詔南京法司逮治

其爲首沈應元等數人如法發遣祭酒呂調陽蒞任未幾且勿論守備魏國公徐鵬舉以聞變坐視奪祿米司業金達以鈐束不嚴奪俸二月監生編號如舊行時翰林修撰丁士美右中允張四維主順天試取莊允中等百三十五人

二年戊辰命大學士李春芳掌詹事府禮部尚書殷士儋主會試取中田一儁等四百人

廷試賜羅萬化黃鳳翔趙志臯及第先是內閣所取李長春王家屏田一儁已定矣內旨忽於二甲前進呈卷用萬化等而李長春三人居二甲前是歲大學士陳以

勤以子于陞通政使李一元以弟一中辭讀卷許之

四年禮部覆南京御史王嘉賓奏請令今後試錄第錄中式士子之文考試官稍爲刪潤兩畿鄉試宜增設御史二人緝治懷挾諸弊得旨允行

命諭德丁士美修撰申時行主順天試洗馬~~孫~~講馬自強侍讀陶大臨主應天試取李廷機吳汝倫各百五十人以登極選貢增南北各十五名從孫鋌請也

順天府進鄉試錄葉有重複者上以責提調考試官於是府丞宋纁諭德丁士美修撰申時行各奪俸二月時江西提學副使陳萬言以科舉校士遺落者悉詣巡按

御史劉思問求覆校幾四萬人思問與期會都司署中  
 旦日思問未至士爭門入駢雜喧亂都指揮王國光呵  
 叱之退相蹂踐死者六十餘人是歲鄉試南昌知縣劉  
 紹恤主彌封紹恤在縣中有素所獎拔士試而中者二  
 人士論譁然於是南科道官請謫思問萬言罷紹恤并  
 黜二生下吏禮二部議思問無罪國光行撫臣逮問二  
 人中式紹恤實不私與萬言俱以不及調用奏可  
 五年辛未命大學士張居正掌詹事禮部侍郎呂調陽主  
 會試取鄧以讚等四百人  
 廷試賜張元忭劉城鄧以讚等進士及第有差

國朝典彙卷一百二十九

夫

都察院右僉都御史 臣徐學聚 編輯

浙江金華縣知縣 臣項人龍 訂正

後學郭若緯 重訂

禮部 三十二

學政

巳亥正月 高皇帝命寧越知府王宗顯開郡縣學延儒  
 士葉儀為五經司戴良為學正吳沈徐原等為訓導時  
 喪亂之後學校久廢至是始聞絃誦之聲無不欣悅  
 洪武元年七月帶刀舍人周宗上疏請府州縣開設學校

上嘉納之

二年以方克勤爲寧海訓導克勤樂於育才負笈來從者甚衆據經陳義聞者悅服

十月詔郡縣立學 上諭中書省曰學校之教至元弊極使先王衣冠禮義之教混爲夷狄上下之間波頽風靡故學校之設名存實亾况兵變以來人習於戰鬪惟知干戈莫識俎豆朕恒謂治國之要教化爲先教化之道學校爲本今京師雖有太學而天下學校未興宜令郡縣皆立學禮延師儒教授生徒以講論聖道使人日漸月化以復先王之舊以革汚染之習此最急務當速行

之詔曰古昔帝王育人材正風俗莫先學校自胡元入中國夷狄腥膻汚染華夏學校廢弛人紀蕩然加以兵亂人習鬪爭鮮知禮義今朕統一天下復我先王之治宜大振華風以興治教雖內設國子監恐不足以盡延天下俊秀其令天下郡縣并建學校以作養士類其府學設教授一員秩從九品訓導四員生員三十人縣學設教諭一員訓導二員生員二十人師生月廩米人六斗有司給與魚肉學官月俸有差學者專治一經以禮樂射御書數設科分教務求實才頑不率者黜之

南昌訓導朱善以學行聞府上其名擢教授八年命天下

教職曾被薦擢者赴京師廷試之擢善第一除修撰

八年正月詔天下郡縣閭里皆立社學延師儒以教民間

子弟有司以時程督之

十四年三月頒五經四書於北方學校謂廷臣曰夫道之

不明由教之不行也夫五經載聖人之道譬之菽粟布

帛家不可無人非菽粟布帛則無以為衣食非五經四

書則無由知道理北方自喪亂以來經籍殘缺學者雖

有美質而非有所講明何由知道今以五經頒賜之使

其講習夫君子知學則道興小人知學則俗美他日收

效亦未必不本於此也

十五年四月又命外府州縣學田租入官者悉歸於學俾

供祭祀及師生俸廩乃詔定三等府學一千石州學八

百石縣學六百石應天府一千六百石各該吏一人以

司出納師生月給廩膳米一石教官俸如舊

十月命禮部頒劉向說苑新序於天下學校

十六年十月東昌府學教授馮叔考最除左贊善

十七年十一月 上謂禮部曰近命遼東立學校或言邊

境不必建學夫聖人之教猶天也天有風雨霜露無所

不施聖人之教亦無往不行昔箕子居朝鮮施八條之

約故男遵禮義女尚貞信管寧居遼東講詩書陳俎豆

國朝典彙卷一百一十一  
學政  
飾威儀明禮讓而民化其德曾謂邊境之民不可以教乎况武臣子弟久居邊境鮮聞禮教恐漸移其性今使之誦詩書習禮儀非但以造就其才他日亦可資用  
十九年勅駙馬都尉梅殷提督山東學校兼理地方事務  
二十年 上以北方學校無明師生徒廢學命吏部選南方學官之有學行者教之增廣生員不拘額數復其家  
十一月以河南府學訓導葛鈞爲侍講學士

二十三年正月通政使茹瑞引奏潮州學生陳質言父戍太寧已死有司取其補伍念荷國教育願賜卒業 上謂兵部尚書沈縉曰國家得一卒易得一才難此生旣

有志於學可削其兵籍遣歸進學對曰此生學未見成效若削其兵籍則缺軍伍 上曰人才必養於未用之先而用於旣成之後事有輕重難拘一律軍士缺伍不過失一力士獎成賢才以資任用其繫豈不重乎

二十四年七月命禮部頒書籍於北方學校 上諭禮部曰農夫舍耒耜無以爲耕匠氏舍斤斧無以爲業士子舍經籍無以爲學朕念北方學校缺少書籍向嘗頒與五經四書他子史諸書未曾賜予宜於國子監印頒有未備遣人福建購予之

二十五年七月勅刑部榜諭天下學校時各處教官有給



由到京 上召諭之曰汝等皆老儒來自郡縣民間疾苦稼穡艱難悉爲朕言尙嵐學正吳從權對曰臣爲學正以教道爲職業民事無聞山陰教諭張恒對曰臣守職嘗在學未嘗出外於民事無所知 上曰豈有久居鄉里不與人交接縱教學不出每月朔望休暇并四時節序朋友往來於民情世務豈不談及槩言不知詐也且儒者所學皆聖賢之道古人有身居田野心在朝廷伊尹耕莘常以致君澤民爲念及出相湯發其所蘊以安天下甯戚未遇扣角而歌自薦於齊桓公佐興霸業漢賈誼董仲舒輩皆起於田里上書數陳時務議論得

失唐馬周不得親見太宗且教武臣言事古人不得進用汲汲求見於君欲行其所學今汝等旣集朝堂朕親詢問俱默默不言學聖賢之道者果如是乎又如宋儒李沆爲宰相佐真宗日以四方水旱蟲蝗盜賊等事奏之同僚以爲細事沆曰人主當使知四方艱難有所敬懼不然則留意於土木禱祠聲色狗馬之事矣此人君不問尚且日奏於君今朕以汝等皆儒者故詢以民事意必有以對朕迺反支離其辭竟無一語宋儒胡瑗爲蘇湖教授其教書生皆兼時務治兵治民水利算數等事當時得人皆由其教授有法今汝所言平日在學不

出則所教何事民情不知世務不通所訓生徒雖有賢才亦爲爾等所壞使天下教官皆效汝輩所爲朝廷焉能得人二人皆惶汗失措 上顧謂刑部臣曰若二人者立心不誠豈能爲聖賢之教虛糜廩祿無補於時宜竄之極邊其以榜諭天下學校使爲鑒戒

二十六年十一月擢秦州學訓導門克新爲左贊善紹興府學訓導王俊華爲右贊善 詳詹事府

二十七年正月改中都國子監爲鳳陽儒學

建文元年先是學官缺用舉人及中試監生通經儒士至是詔天下凡在任未入流官及坐法謫戍已更者但通

經薦試又詔衛官舉通經軍士聽布按二司試上銓用

四年十一月靖難後吏部奏順慶府學教授馮壯甫考過經任內舉人止三名命降爲學正著爲令

永樂元年以大興縣學爲順天府學革大興宛平二縣學八月設楚雄縣儒學先是本府言所屬人民類皆蠻夷不知禮義惟僃人一種有讀書識字者而縣學未設近委官勸集俊秀子弟入學而無師範請立學置官從之

二年十一月廣西欣城縣學訓導到官歲餘邑中皆蠻獠有司招其子弟入學卒無至者訓導自念虛糜祿廩無益於國詣闕白其事禮部尚書李至剛等言不當擅離

職請罪之 上曰委其職事而去之可罪以離職無事  
 可治而赴闕自陳蓋非苟祿偷安者其送吏部調用  
 五年正月雲南鎮南州奏洪武中有命建學時以民力未  
 敷暫聚徒訓於城隍廟因循已久今請別建學舍從之  
 六年十二月吏部奏教官考滿稱職者請仍陞教職或上  
 曰教官果然稱師範之任者以教職內陞如才堪撫民  
 及朝繁者亦當隨才任使不可執一自今凡教官考滿  
 吏部同六科給事中選其有才識者畱六科理事一年  
 後從本科都給事中考其高下用之

洪熙元年六月廣寧中屯衛軍士馮述上言定遼金復海

蓋五衛洪武中已建學設官而三萬瀋陽廣寧義州諸  
 衛尚未建學若緣邊軍衛並立學校以教官軍子弟使  
 知忠君親上愛親敬長則禮義興而風俗厚矣

七月章丘縣訓導張居傑考滿 上命為給事中諭吏部  
 尚書蹇義曰前代命官內外更踐近頗聞外間言仕者  
 一為教官即老於學校有志於世用者多不樂就此職  
 自今用人不得執一

十一月貴州鎮遠府奏本府新設儒學訓教生員期有成  
 效請給廩膳以養之 上命貴州各府新設學校未與  
 廩膳者皆與之



宣德元年二月 上御左順門吏部尚書蹇義等侍 上謂義曰昨日卿奏山西臨晉縣學生員年纔十三入學五閱月御史考發克吏朕再思之人非上智安能五月有成且未成童豈堪吏役朝廷命官考績黜陟亦待九年何況童蒙初學此不近人情甚矣可發此生還學仍移文戒飭御史如再任意罔行必黜罰之

二年四月行在禮部奏天下歲貢生員考試不中者發回肄業以待再試教官提調官如例責罰 上曰此輩在學若府縣官勤於提督教官勤於訓誨未必無成泰山之潤可以達石何況於人今上下偷惰虛度日月是以

臨文不知所措循例責罰薄示儆耳宜令內外風憲督之考其勤惰明示勸懲庶幾教學有成國家得用之 八月 上語禮部尚書蹇義等曰國家建學育才以資任用 祖宗以來得人爲多比者各處考黜生員例應克吏有以患病爲詞者告乞再試彼既恥於罷黜必能悔過自新又或學業垂成不甘中棄者宜從所請然須令翰林院嚴加考試庶幾人知所警自然向學

四年代州儒學署訓導事舉人曹鼐上言臣年少學問未克不堪爲人師願就太學讀書或授別職亦得自效 上謂吏部曰凡人不自滿者其志可嘉可授縣幕俾習

知民事如有餘力亦可進學改泰和典史後進士及第八年九月令天下生員年四十五以上者考選送國子監時言者以士子借學校者多衰老不得及時進用遂有此令增開貢例以後間一行之至天順五年復申此令十年九月霍州學正曹端卒端澠池人潛心理學日事著述教人務躬行實踐事父母曲盡孝養年荒勸賑一方賴以全活在霍學久士子服習教化郡人亦皆薰炙惟禮義是尚後調蒲州霍諸生上章懇留從之竟卒於霍郡人如喪考妣學者稱爲月川先生

十年十一月擢儒士盧忠爲太平府學訓導忠以經明行修膺薦吏部驗忠軍籍無人補伍具以聞 上命試其

才學可取曰與其戎伍得人何如學校得師故有是命

正統六年七月詔天下教官缺多命南京吏部侍郎趙新禮部侍郎陳璉會祭酒陳敬宗選監生通三場者除補十四年刑部奏定各處生員若犯受贓姦盜冒籍科舉挾妓飲酒居喪娶妻妾等罪者直隸發克兩京國子監膳夫各布政司發克鄰近儒學齋夫膳夫滿日原籍爲民景泰五年 月有學官爲生員 誣陷贓罪械至京自經逆旅事聞都察院請通行天下禁約凡生員以奉師束修贄見儀物爲贓構詞誣陷者官司鞫實卽與分豁毋一

槩論賊其生員誣陷師長真情暴白仍械京治罪從之  
成化元年正月國子監助教李伸上言五事一曰嚴學校  
之職今天下教官類多匪才以致提學憲臣往往折辱  
殊非右文之意宜勅提學官凡教官之不類者起送別  
用其賢者禮貌之以示敬學之意 上命議行

三年 月禮部言近年學校生員聽令納馬納牛納草納  
米入鹽殊非教養本意且前代雖有納粟補官之法令  
而不用以補士子為士子者知財利之可以進身則  
所往而不謀利或買賣或舉放或取之官府或取之  
里視經書如土苴而苞苴是求棄仁義如敝屣而貨財

豐殖士心一蠹則士氣士節由此而喪他日致用何望  
其能與治有補於國家哉自今伊始雖有速事繁急艱  
難之處亦不許以監生生員納粟納馬等項出身若再  
以此例開端者許該部六科十三道糾正之

九年七月提學御史閻禹錫奏近例廩膳生考黜者俱追  
廩為民今奉勅俱發克吏請停追廩之例從之

十三年御史胡璘奏近年以來天下儒學教官率多歲貢  
監生不足以為人師範乞今後命試多取副榜舉人選  
用禮部覆奏師儒之職賢才攸係宜如璘言

十五年十二月兵部侍郎李敏奏臣往為浙江按察使守

制還襄城嘗市地縣南紫雲山麓凡三十畝有奇建屋若干楹積書數千卷日與學者講讀其中其地之所入亦足以供教學者之用願籍之於官以為社學因請勅額併令有司歲時修葺從之賜額紫雲書院

十七年二月雲南巡撫吳誠奏乞令土官衙門各遣應襲子於附近府學讀書仍禁師生不許索其修饋部覆令地遠年幼者開一社學延鄰境有學者為之師仍聽提學稽考詔如議

弘治十四年七月掌國子監侍郎謝鐸言四事三曰革冗員以從京師之制謂順天應天學校之設惟二府有之附郭西縣皆未嘗有凡今附郭縣分俱各有學其視京府實為冗濫請從順天應天之制量加廩增歸併府學庶冗員革而風教稍重疏下所司知之

嘉靖九年巡撫山東都御史劉節請於曲阜縣治立四塾十六社各立一塾簡孔氏生員儒士二十人為塾師凡孔顏孟三氏子弟八歲以上俱送塾教誨年至十五以上提學官試其學業有成者送入三氏學而黜其累試無成者乃立為廩膳增廣附學名目其廩膳雖無廩餼俱以提學官考定高下收補名第為定如其年至五十累試考無進者發回衣巾終身禮部覆議允行其廩增



國朝典彙卷一百二十九  
學政  
十一  
人數許依州學例各三十名

給事中高金以詔汰天下生員陳其不可行者七大略謂  
儲才貴豫求賢貴廣地方人才多寡不同附學人數豈  
可嫌其過於增廩且老稚凡庸非盡附學在廩增亦有  
之惟沙汰附學未免有偏 上責金不奉詔仍令禮部  
申諭各提學官務遵前詔廩增附生員一體掄選其附  
學名額不必視廩增原數許量地方人才衆寡爲差

給事中王璣陳二事一教養生員請乘頒勅沙汰之後  
令各學教官定爲考語註於三等簿提學據所註參之  
文字必素有德行者方許應舉克貢如教官徇私則違

勅諭事例行罰仍將考優者登記牒付布政司三年大  
比公同參取歲貢亦然及貢舉赴部書入公據咨送禮  
部轉行吏部以備後日選官之據章下所司

十年四月先是 上以御製敬一箴及心箴等頒賜天下  
學校令提督官建亭刻石豎碑後山西提學副使陸深  
以巡按御史趙鏜管死生員劾奏鏜亦許深不行建立  
敬一箴碑亭爲慢令詔天下巡按御史覈提學官建碑  
亭狀而以深事下巡按御史張祿勘閱深以任未幾奉  
旨建碑乃前提學副使劉儲秀曾下碑式檄所屬郡縣  
令刻石發學監立明倫堂側分守冀北道叅議陳時明



以狀報祿卽據以覆奏。上曰朕令各學建立敬一碑亭期上下一於恭敬今御史乃曰轉發曰明倫堂邊豎立殊爲不敬都察院叅看及禮部通查以聞於是都察院覆稱儲秀不曰捧而言發不曰安奉敬一亭內而曰豎立明倫堂側褻慢不敬無所逃罪叅議陳時明御史張祿罔知駁正依文奏覆亦當罰治。上命御史逮儲秀問褫具職閑住奪時明祿俸各半年。

十月詔德州學生儒聽山東提學官管轄就試山東遼東衛學生儒聽遼東巡按御史考選就試順天先是遼東生儒有詣闕言赴試山東不便者禮部覆請從之。

御史楊宜言邇者沙汰生員令下督學使者奉行過刻略無愛惜之意年少者以文詞不工見黜長者以齒邁不容甚則浪據毀譽輒加擯棄沮父兄弟之念驅衣冠爲田野之傭且史冊所載有增廣生員增制學舍者矣有沙汰天下僧尼者矣未聞有沙汰生員之名也乞下明詔命所司加意作養毋徒以黜退爲功下禮部復如其言仍請申明。祖宗臥碑及降勅諭明倫堂使師生永爲遵守毋庸更立條約專事繁苛命題不得破析經義取士則當崇雅黜浮而尤宜致重德行其不率教者始與衆共斥之庶法令修明而人才輩出詔從之。

二十六年巡撫甘肅都御史楊博言甘肅一鎮去陝西千餘里請如遼東例專勅巡按御史督理并行守巡兵備官按季考校以聽御史稽查禮部議覆報可

二十年十月詔修承天府文廟儒學初獻皇帝在國嘗臨視郡學釋奠先師特賜帑金命工修葺至是上乃有是命親製碑文述皇考崇儒重道之意勒石學官

三十四年初大同虜警頻數山西提學官憚於出關各郡邑累歲不復考試按臣數奏以冀北道分巡官代理之至是山西提學陳棐請自領如故撫按上狀部覆允之二十七年十月詔陝西鞏臨二府學生儒俱聽河南巡按

督試御史鄭存仁奏本境絕遠提學官不便巡歷也

隆慶二年詔立雲南武定軍民府儒學時鳳氏亂南平黔國公沐朝弼等請卽其田址爲學以變夷風從之

貴州巡撫都御史趙錦言貴州宣慰司儒學諸生受廩於官者四十人而貴陽府學止二十人多寡不均宜量爲加損俾各以三十人爲率禮部議覆從之

五年二月處州府生員馮椿等以本府同知江應昂管辱生員朱正色父朱杲乃呼引諸生數十人訴於分守叅議方岳岳不爲理椿等遂羣歐岳鼓譟而出事聞得旨論椿等十二人克軍正色等三十二人黜爲民

正統元年五月始設提學憲臣南北直隸御史各一員各省按察司副使或僉事各一員專勅責成不許巡按御史侵越從南戶部尚書黃福請也  
起致仕修撰王鉉為江西提學以檢討陳遂為廣西提學御史薛瑄為山東提學各僉事浙江則副使胡軫福建

國朝典彙卷一百三十

都察院右僉都御史 臣 徐學聚 編輯

後學章可貞 重訂

禮部 三十三

督學憲臣

正統元年五月始設提學憲臣南北直隸御史各一員各

省按察司副使或僉事各一員專勅責成不許巡按御

史侵越從南戶部尚書黃福請也

起致仕修撰王鉉為江西提學以檢討陳遂為廣西提學

御史薛瑄為山東提學各僉事浙江則副使胡軫福建

則錢遂志湖廣劉蚪河南歐陽哲山西王琦陝西莊觀  
四川康振廣東彭琉各僉事  
二年五月大學士楊士奇薦御史彭勗提督南畿學校師  
道卓立寬嚴得中一時東南士風翕然振起勗江西永  
豐人永樂乙未進士  
五年十二月以孫鼎為南直隸提學御史鼎初為松江教  
授以清慎持已以禮讓化人士民咸信服之有司尊禮  
踰於上官嘗奉哀詔入臨府中誤翻戴喪冠知府見之  
亦遂翻其冠鼎前謂曰公冠翻非禮知府曰吾效先生  
其見敬信如此至是秩滿選陞提學中外稱得師範

景泰元年十二月革提學憲臣

六年二月復設提學憲臣時以學政廢弛命廷臣舉有學  
行者督之

冬吏科給事中李讚言南北直隸學校俱無按察司官提  
督宜分遣有學行御史二員專理庶學政不致廢弛人  
材有所造就始命御史葉巒張諫提督南北直隸學校

成化三年三月罷兩廣提學時兩廣兵火之餘人物凋弊  
按察司夏瑱請暫裁革提學官而以他官兼之奏可  
五月以御史陳選督南畿學校選先巡按江西肅察貞度  
至是以身為教力變浮華徧歷郡縣居宿學宮默然端

坐令諸生讀小學書暇則習禮一時翕然感化七年陞  
河南提學副使

八年六月擢國子監丞閻禹錫爲北直隸督學御史

九年二月以御史戴珊提督南畿學校凡考校必以文藝  
古器識品藻精明諸生帖服其最稱許者吳中王鏊也

十四年九月以戴珊爲陝西提學副使珊躬教諸生窮鄉  
下邑無不至約束嚴明風雨不爽一如在南畿時 又

修古聖賢祠墓增秩祀典德教風行在陝久待諸士如  
家人父子諸士亦愛慕不忘二十年陞浙江按察使

嘉治十一年以陝西提學副使楊一清爲太常寺少卿一

清督學八年大作士類每試八府三邊學必歲一小試  
雖僻壤不遺其蒞士愈久愈嚴又命郡邑製諸禮樂之  
器俾諸生肄習以朱子白鹿洞規及程董學則誨諸士  
凡所取冠英之士恒中式當時雖宗室不能奪生員之  
婚雖撫按縉紳不能撓課試之權爲國朝提學之最  
十四年七月廣東提學僉事宋端儀卒儀莆田人雅志理  
學嘗編考亭淵源初稿未就而卒

以戶部郎中邵寶爲江西提學副使寶以身爲教先行檢  
而後詞藝士類勅興修濂溪書院改建白鹿洞書院清  
學田定課程遠近向慕

十五年加山西提學僉事王鴻儒爲副使鴻儒督學以陶  
養爲本以文藝爲末抑浮崇雅品藻高下毫髮不爽好  
面誨人生徒請益因材間發終日不倦士子翕然歸之  
正德元年起終養南京吏部郎中蔡清爲江西提學副使  
清終養守制闕報巡按山東御史陸備以弘治甲子鄉  
試馳使聘主試事清以朝臣非王命不行辭不赴至是  
履任江西修白鹿洞崇師儒以德行道義教學者而自  
激勸之江西相沿賀寧王壽皆具朝服清至謂不宜全  
用覲君之服獨去朝服中蔽膝一件王怒之又三司官  
舊以朔望朝王而以次日謁孔子清約三司先謁孔子

而後朝王王益怒王先憾都御史林俊左右因言清與  
俊厚於是王怒不可解而力求清之短且遣其親信者  
傳謗京師王宴三司故設機械直譏清不工詩文清以  
朝廷方面官豈容藩王輕易折挫據理對之大拂其意  
遂引疾求致仕王亦素聞清賢遣儀賓諭畱且欲以女  
妻其子冀清附已清力辭竟去

十年二月以劉瑞爲浙江提學副使瑞造士先德行而後  
文藝有一行者必獎以廩食若行檢虧缺文雖工必黜  
於是士知向風人文大振遂定冠婚喪祭鄉飲鄉射之  
儀崇名宦鄉賢之祀教廟庭釋奠歌舞之節風化丕變

四月江西提學僉事田汝耕乞印如分巡官以便關防禮部題覆徧行天下從之

嘉靖元年先是江西提學副使李夢陽有文名罷歸八年值宸濠陽春書院成遣人乞詩夢陽與之濠敗御史周宣劾夢陽交通叛逆逮至京師驗治無狀刑部尚書林俊奏其枉詔釋之

詔南京國子監及各省提學官修補殘缺經史禁書坊妄肆改竄從廣西副使劉節議也

五年山西缺提學僉事部推州判呂紳鄒守益得旨別推六年前山東提學副使趙鶴以冤死訓導爲諸生所奏勘

明聽調至是吏部議補鶴霸州兵備報罷

復原任江西提學副使唐錦官令冠帶閑住初宸濠之叛錦與同官皆稱萬歲受僞賞王守仁兵入城乃出所受以獻及擒逆黨杜茂等冀以功自贖撫按官謂錦司文事不專任地方之責且議功得末減削職至是其子璠上疏訟父冤法司以爲不冤上特錄其功故有是命禮部尚書桂萼等言天下提學官多不得人無以風勵人才請加考覈上從之萼等疏各以上言直隸御史張袞鄭洛書副使則浙江萬潮江西趙淵河南魏校山東余本四川韓邦奇廣西李中雲南唐胄宜任職如故福

建范永鑒湖廣郭持平廣東祝品貴州劉彭年宜改別  
用報可命禮部都察院推有學行者代之  
九年給事中王汝梅御史趙免請申飾各提學官正大命  
題嚴慎入學禮部題覆 上曰國家以文取士文體所  
係全在提學一官必須崇雅黜浮然後士習可變且諸  
生廩增有額其附學者豈宜反過正數民間子弟規避  
繻役營求入學提學官多徇情市恩政紀何在其令從  
實按文簡汰其老稚庸凡不堪作養者若奉行不實聽  
撫按官參究以聞

十一年給事中李鳳來等言江西督學張時徹承望風旨  
校士垂方乞將黜士子仍舊收錄下禮部覆議從之  
十月北直隸提學御史胡明善以擅取禁塘石甃碑爲內  
官咎文鑑所訐下獄合法司擬罪明善上書訴辯 上  
怒奪刑部尚書王時中等俸半年謫郎中諸傑邊方雜  
職責法司速讞其獄黜明善爲民已而補傑高明典史  
十二年六月初貴州提學兼管屯田水利巡撫徐問言學  
憲造就人才厥職甚重比來貴州多士視昔數倍每歲  
巡歷尚有未周屯田水利宜各分巡道經理爲便從之  
十九年正月以刑部員外劉汝楠爲湖廣提學僉事初江  
以達主試福建汝楠以險怪得解首會試南宮主試張



國朝典彙卷一百三十一  
督學憲目  
孚敬戒飭之後第進士歷官至是御史舒鵬翼劾之仍  
乞勅部院覈天下提學官有如汝楠與近年張鯤江以  
達者併行斥逐庶文體正而士習可端吏部尚書許讚  
言汝楠鄉貢文字固多奇險會試南宮已就平實姑令  
督學如仍尚奇險卽行糾黜  
上從之

二十三年給事中陳裴劾提學副使陸時雍周復俊曠職  
宜改調疏中復陳五事一嚴巡督之限董學三年限以  
歲考二次仍勅各巡按御史驗其考之疏數以別勤惰  
一重陞任之規提學員缺則於翰林資深一省望重者  
陞授埃董學有成擢用京秩一寬教職之徒凡教官有

學行者宜量陞國子監學正等官一籍本實之尚進退  
人才固以文爲主又當以行相參宜廣詢博訪擇其無  
良者卽按實出革一酌歲貢之法不專論食糧淺深尤  
以科舉次數及卷考優劣參酌去取下吏部禮部看詳  
得旨提學官專勅廸士繫一方風教視他職爲重邇年  
各官不通行巡歷偷惰廢職又營求進表應朝甚失事  
體今後宜令巡按御史劾奏陸時雍等准調餘條擬  
二十九年陞湖廣提學副使喬世寧爲河南叅政時湖廣  
撫按林雲同王忬交章薦世寧校士精勤寒暑不輟且  
品裁服人請假以歲月候有成效不次拔擢俱下所司

山西督學副使胡松上言禦虜十二策萬有餘言傷深切  
利弊章下兵部尚書張瓚覆言松議克實三關兵馬其  
策可從 上善之已而吏部以松爲山西叅政命三關  
備用自行已策然叅政非憲職又不預松兵柄竟以不  
效斥罷蓋當事者忌其籌畫不自己出故擠之云

四十三年十二月提學御史徐曠因查革京學冒籍生員  
檄宛大二縣會學教官集諸生明倫堂清查當革者五  
十餘人諸生多竊議曠考法苛細洵洵不服及是愈怒  
摔執委官於坐褫其衣冠仍擊生員任子玉等傷之給  
事中何起鳴罪曠劾其偏學多言久失士心曠倉皇自  
辯詆起鳴爲邪黨得旨鳴論輕率曠辯忿戾均非言官  
體各奪俸二月自後言官建白務先國大計毋得自私  
自是以瀆朝廷按曠迂謬矜罔在位不職起鳴之奏衆  
以爲允當時乃委曲解之非政體也

隆慶元年禮部覆御史陳文煥奏近督學諸臣校士祇尚  
文藝不察行檢或假講學以獵虛聲庇非類以博長厚  
請嚴飭督學官務遵卧碑勅諭加意整飭校士必兼詢  
德行不得倡爲講學之名以長奔競之習 上是之

六月詔起殷邁爲浙江督學副使邁性恬退初以南京之  
選郎出爲江西叅議乞休不允已擢貴州督學副使未

國朝典彙卷一百三十一  
上有疏請致仕至是薦起視學兩浙掄士一先德行未  
幾遷江西叅政

給事中胡欝言督學憲臣聚徒講學本爲儒者之事乃其  
徒遂緣是而詭辭飾貌以獵進取至一語相合以爲曾  
唯而優之廩餼一見如愚以爲顏子而貢之大廷徒以  
長競進風而中實無得豈持憲執法之體哉部覆請戒  
督學憲臣務崇實行毋倡浮說以滋僞從之

四年浙江副使林天春患浙士剽竊乃以已意割綴經傳  
爲試題給事中章甫端論其謬妄罷之

國朝典彙卷一百三十一

都察院右僉都御史 臣徐學聚 編輯

後學吳邦達 重訂

禮部 三十四

文體

洪武二年三月 上謂學士詹同曰古人爲文或以明道  
德或以通世務如典謨之言皆明白易知無深怪險僻  
之語至如諸葛亮出師表亦何嘗雕刻爲文而誠意溢  
出使人感激近世文士不究道德不達世務立辭艱深  
意實淺近即使過於相如楊雄何裨實用自今翰林爲

文但取通道理明世務者無事浮藻

六年 上命翰林儒臣擇唐宋名儒表箋可爲法者儒臣以柳宗元代柳公綽謝表韓愈賀雨表進 上命中書省臣錄二表爲天下式諭羣臣曰唐虞三代典謨訓誥之辭質實不華誠爲千萬世法漢魏猶爲近古晉宋以來文體日衰駢儷綺靡而古法蕩然矣唐宋之時名儒輩出雖欲一變而卒未能盡變近代制詔章表之類仍蹈舊習朕嘗厭其雕琢殊異古體且使事實爲浮文所蔽自今凡誥諭臣下辭務古簡以革弊習爾中書播告中外臣民凡表箋奏疏毋用四六對偶悉從典雅

嘉靖十一年正月禮部尚書夏言以當會試條奏科場三事一變文體以正士習言 皇上登極以來屢渙德音黜浮崇雅乃昨歲天下進呈錄文類皆猥鄙不經氣格卑弱背戾經旨决裂程式其刻意以爲高者則浮誕譎詭而不協於中騁詞以爲辯者則支離磔裂而不根於理文體大壞望勅考官務取醇正典雅溫柔敦厚之文一切駕虛翼僞鈎棘軋茁之習痛加黜落一責主司以定程式言應試之士校於風簷寸晷之中欲實錄其文可爲式者蓋已絕無間有以試錄文字多出主司之手而兩京會試皆館閣儒臣所爲足爲海內矜式近令錄

士子本文不必考官今次會試所命三場題目俱要冠冕正大有關道理不許裁裂牽綴從事帖括及困以隱僻有如覆射若士子可錄之文仍令考官重加裁正以示模範一簡考官以重文衡言同考試官例用翰林講讀官十一人給事中三人司屬三人今本院自侍講以下通得十一人乞勅內閣於科部六人之外再訪三四人以補翰林不足之數報曰文運有關國運所係不細近來士子經義詭異艱深大壞文體誠為害治其出榜曉諭今年會試文卷必純正典雅明白通曉方得中式若有仍鈎棘奇僻痛加黜落

國朝典彙卷一百三十二

都察院右僉都御史

臣

徐學聚

編輯

後學祝石

重訂

禮部

三十五

學術

洪武元年正月 上與儒臣論學術翰林學士陶安對曰  
 正道之不明邪說害之也 上曰邪說之害道猶美味  
 悅口美色眩目人鮮不為所惑非有豪傑之見不能決  
 去也戰國縱橫捍闔之徒肆其邪說游說諸侯當時諸  
 侯急於利者多從其說往往事未就而國以亾此誠何

益夫邪說不去則正道不興天下焉得而治安曰陛下所言深探其本 上曰仁義治天下之本也賈生論秦之亾不行仁義之道夫秦襲戰國之弊又安得知此 二年三月 上謂翰林待制秦裕伯曰爲學之道志不可滿量不可狹意不可矜志滿則盈量狹則驕意矜則小盈則損驕則情小則隨故聖人之學以天爲準賢人之學以聖爲則苟局於小而拘於凡近則亦豈能克廣其學哉裕伯對曰誠如聖言

永樂二年七月鄱陽縣民朱季友進書詞理謬妄謗毀聖賢禮部尚書李至剛翰林學士解縉等請置於法 上曰愚民若不治之將邪說有誤後學卽遣行人押還鄉里令布政司按察司府縣官杖之一百就其家搜檢所著文字悉毀之仍不許稱儒教學

十五年三月頒五經四書性理大全書於兩京六部國子監及天下郡縣學 上謂禮部臣曰此書學者之根本而聖賢精義悉具矣自書成朕且夕宮中披閱不倦所益多矣古人有志於學者苦難得書籍如今之學者得此書而不勉力是自棄也爾禮部其以朕意曉諭天下學者令盡心講明無徒視爲虛文也

正統七年正月東昌府通判傅寬進太極圖說 上曰太

極圖先儒解釋已詳明此說僻謬背理宜斥之勿使傳布以誤後學

天順二年五月漳州布衣陳真晟詣闕上程朱正學纂要  
不報 詳徵召

成化十六年五月禮部侍郎周洪謨言朱熹所註五經四書間有承漢唐諸儒之誤者乞勅儒臣考訂 上曰五經四書漢唐宋諸儒註釋已詳具有源委永樂中儒臣奉勅考訂纂修悉取其不悖本旨者輯錄之天下學者誦習已久洪謨乃以一己之見欲再紛更其已之

嘉靖元年十月給事中章僑御史梁世驃奏三代而下道

學之傳至朱熹大明近世倡爲異論者以陸九淵爲簡  
逕朱熹爲支離宜行嚴禁以正士習禮部覆議以二臣  
言有補風教 上曰祖宗表章六經勅崇正學欲以成  
光明正大之業近年士習詭異文辭艱險有傷治化其  
行督學官榜諭禁之自今教人取士一依程朱之言不  
許妄爲不經之書私自傳刻以誤正學

八年尚書桂萼議王守仁事不師古言不稱先欲立異爲  
名則非朱熹格物致知之說知衆論不與則著朱熹晚  
年定論之書傳習轉訛悖謬日甚勦捕漳寇平定宸濠  
功固可錄但賊乎縱殺不已報捷誇張不實罪亦難原

宜所封伯爵止其本身不必追奪以終國家之大信禁其邪說以正天下之人心旨曰功疑惟重姑不深究所封伯爵係先朝信令許終其身身後卹典俱爲停革其學術令都察院通行禁約不許踵襲邪說以壞人心上諭輔臣楊一清曰王守仁竊負儒名實無方正之學至於江西之事彼甚不忠觀其勝負以爲背向彼見我皇兄親征知宸濠必爲所擒故乃同文定舉事實文定當功之首但守仁官在上耳且如擒濠於南直隸地方却去原地殺人至今孰不知其縱恣前日兩廣之處見彼蠻寇固防却屈爲招撫損我威武甚矣乃於八寨而縱戮之以此看來勢之固而有備者則不問其爲罪之首從輕重一於撫之否則乘機而殺戮自云竒功是人心否哉况崇事禪學好尚鬼異尤非聖門之徒是可用乎卿等何堅於庇護

十五年十月尚書湛若水纂二禮經傳測上獻下禮部尚書夏言謂其以曲禮爲經與孔言相戾上曰旣與孔子相戾不可傳示後學已之

十六年二月御史游居敬論劾南京吏部尚書湛若水學術偏諛志行邪僞乞賜罷黜仍禁約故兵部尚書王守仁及若水所著書并毀門人所創書院戒在學生徒毋



遠出從游致妨本業疏下吏部覆言若水潛心經學希  
迹古人其學未可盡非但從游日衆間有不類因而爲  
奸故居敬以爲言惟書院名額似乖典制相應毀改  
上曰若水已有旨諭畱書院不奉明旨私自勦建令有  
司改毀自今再有私勦者巡按御史叅奏比年陽倡道  
學陰懷邪術之人仍嚴加禁約不許循襲致壞士風  
十七年五月申毀天下書院吏部尚書許讚言近撫按司  
府等官學校廢壞不修別起書院動費萬金徵取各屬  
師儒會講初發則邑里治裝及舍則郡邑供億科擾尤  
甚南畿已經游居敬奏毀人心稱快而諸路未及宜盡

查革仍有建立者許撫按官據實叅劾上以其悉心  
民隱卽命內外嚴禁令盡毀之

十一月禁非詆朱熹詔曰邇來士大夫學術不正邪僞亂  
真近代諸儒惟朱熹醇正可師祖宗設科取士以集註  
爲主比年奸爲之徒鼓其邪說以惑士心此後仍有詭  
道戾理非詆朱熹者科道官指名彈糾

四十一年給事中張岳陳時政言今講學家以富貴功名  
爲鼓舞人心之術銓衡一缺則翹首而垂涎館局一開  
則熱中而濡足司錢穀則慕秩署之清華典刑名則思  
兵曹之噎赫居臺諫則美卿貳之崇高於是剽竊浮詞

談虛論寂相飾以智相軋以勢相尚以藝能相邀以聲  
譽初學之士靡然從之一入蒲團皆宛然有聖人面貌  
且洋洋自負曰吾爲會中人物矣試卽與會之時言語  
色笑變態多端或看喜怒於上官定進止之秘訣或騰  
毀譽於多口發愛憎之神机或間爲堅白異同之談各  
執已私噤噤不相下一有爵位稍尊巧言雄辨其間衆  
皆唯唯而莫敢發今羣工百執事各有司存旣非剪贊  
師弟又結契朋儕豈宜羣萃州處以惑衆聽善乎宋儒  
之言曰願士大夫有此工夫不願士大夫有此門戶臣  
以爲欲塞其門拒其戶在國家於用舍之間慎之而已

國朝典彙卷一百三十三

都察院右僉都御史 臣徐學聚 編輯

後學包廷鑒 重訂

禮部 三十六

風俗

洪武元年禁士民易姓氏爲胡名及習胡語服胡衣者

上御謹身殿翰林學士劉三吾侍因論治民之道 詳論道議政

三年二月召諸郡富民入見諭以循分守法孝敬和睦周

給遜順之道賜酒食而遣之

四月禁蒙古色目人更易姓名

國朝典彙卷一百三十三 風俗

六月令天下郡縣設義塚禁止江西等處火葬水葬 上  
與學士陶安登京城樓聞焚屍氣患之安曰古有掩骼  
埋齒之令恩及枯骨近世染於胡俗或焚而投骨於水  
孝子慈孫於心何忍傷恩敗俗莫此爲甚 上曰此王  
道之言自是王師所臨見枯骨必掩之而後去

四年六月 上退朝御東閣與羣臣論禮樂之事曰世之  
治亂本乎人情風俗故忠信行則民俗淳朴佻巧作則  
習尚詐僞京師天下統會四方所取則率多奢侈相高  
浮藻相誘情日肆俗日儉非所以致理禮部尚書陶安  
對曰仲尼云道之以政齊之以刑今欲整齊風俗使佻

巧不作必以政刑先之然後教化可行 上曰教化必  
本諸禮義苟徒急於近效而嚴其禁令是欲澄波而反  
汨之也凱頓首稱善

十八年八月詔戶部申明天下四民各守其業不許游食  
庶民之家不許衣錦繡

二十六年六月命禮部申嚴公侯制度僭侈之禁僉事陳  
養吾作詩曰城南有婆婦夜夜哭征夫 上聞之以爲  
傷化取到湖廣投之於水

三十年九月 上命戶部下令天下人民每鄉里各置木  
鐸一內選年老者每月六次持鐸徇於道路曰孝順父

母尊敬長上和睦鄉里教訓子孫各安生理毋作非爲  
又令民每時置一鼓凡遇農種時月清晨聚衆鼓鳴皆  
會田所及時力田其怠惰者里老人督責之里老縱其  
怠惰不勸督者罰又令凡遇婚姻死葬吉凶等事一里  
之內互相調給不限貧富隨其力以資助之

十一月 上御奉天門見散騎舍人衣極鮮麗問制用幾  
何曰五百貫責之曰農夫寒耕暑耘蚤作夜息蠶婦繰  
絲緝麻縷績手成其勞旣已甚矣及登場下機公私通  
索交至竟不能爲己有食惟粗糲衣惟垢敝而已今汝  
席父兄之庇生長膏粱紈綺之下農桑勤苦藐無聞知

一衣制及五百貫此農夫數口之家一歲之資也而爾  
費之於一衣驕奢若此豈不暴殄自今切宜戒之

永樂 上初卽位命戶部申明六鐸教民之令

五年五月 上問侍臣曰聞近俗之弊嚴於事佛而簡於  
事親果有之乎對曰間有之 上歎曰此教化不明之  
過朕於奉先殿旦夕祇謁未嘗敢慢或有微恙亦力疾  
行禮世人於佛老竭力崇奉而奉先之禮簡略者蓋溺  
禍福之說而昧其本也率而正之當自朕始耳

八年七月 皇太子命禮部近聞京師民有厭多男子生  
輒棄之宜禁止再有犯者并兩鄰加罪

宣德元年三月順天府官引京城坊廂里老人等入見  
上諭之曰京師五方之民雜居習尚不同朝廷供億百  
需以其便近多所責辦視外郡尤煩勞皆朕所悉今嗣  
承大統期與海內相安於無事矧京師乎爾爲民者胥  
相訓告勤務本業孝親敬長和睦鄰里不事游惰不作  
淫巧不犯憲章則爲良民有司體朝廷之心視民如子  
恤其饑寒均其徭役撫綏良善詰治奸慝俾吾民樂生  
不則爲良有司朝廷於良善者賞之爲惡者罰之賞罰之  
典皆祖宗成憲朕不敢違時紀元之初政令維新京師  
之民拱聽聖諭莫不稱慶

四年八月 上諭禮部尚書胡濙曰祖宗時文武官之家  
不得挾妓飲宴近聞大小官私家飲酒輒命妓歌唱洗  
酣終日怠廢政事甚者留宿敗禮壞俗爾禮部揭榜禁  
約再犯者必罪之此革官妓之始

成化六年十二月給事中丘弘等言近來京城內外風俗  
尚侈服飾僭用無度酒席皆用簇盤民之窮困由射利  
之徒數家販賣寶石以進獻爲名或邀取官職或倍獲  
價利蠹國病民乞嚴加禁革及倍價銀兩追徵入官給  
發賑濟刑部尚書陸瑜議以所言深切時弊逮數人治  
罪追價克賑濟詔姑置不問備榜申明禁約

十六年兵部尚書余子俊等言京城內外強盜滋多蓋因風俗奢僭及閭巷惡少聚徒賭博以致窮困爲盜宜加禁治 上曰京師近地奢僭姦偽漸不可長有此情弊所司官校何爲玩愒日久不爲緝訪宜亟畫謀擒捕仍遣官勘實造冊有潛住者卽行發遣隱蔽者並罪之

二十一年四月溫州訓導鄭璟言浙江溫台處民所產女子慮婚嫁之費往往溺死殘忍不仁傷生壞俗莫此爲甚乞曉諭嚴禁都察院議此弊不獨三府寧紹金華并江西福建南直隸等處亦然宜悉曉諭如璟言 上曰人命至重父子至親乃以婚嫁之累戕恩敗義俗之移

人一至於此實有司之責自後民間婚嫁裝奩稱家有無不許奢侈產女仍前溺死者着鄰里舉首發戍邊方弘治四年正月刑部尚書何喬新疏禁京師胡服胡語

巡按浙江御史



言溫州樂清縣近海有村落曰三

山黃渡其民兄弟共娶一妻無兄弟者女家多不樂與以其孤立恐不能養也旣娶後兄弟各以手巾爲記日暮兄先懸巾則弟不敢入或弟先懸之則兄不入故人各其地爲手巾與成化間台州府開設太平縣割其地屬焉請禁之弗悛者徙諸化外法司議擬先令所司出榜禁約有犯者論如姦兄弟之妻者 上可之

八年兵部尚書馬文升奏近年小民罔知禮義風俗日澆  
窺其所由社學久廢人不讀書以致於斯宜修舉社學  
慎選教讀之人凡民弟子俱令入社學讀孝經小學彙  
大誥俾知孝弟之道與當代之法禮部覆奏修舉社學  
已有著令請仍行各提學官舉行無致廢弛從之

十八年八月都察院覆議給事中周璽所奏言中外臣庶  
之家奢靡相尚僭用不經乞 皇上躬行節儉痛抑奢  
華凡日用常例之外悉從省約則薄俗可革淳風自還  
武宗曰風俗侈靡日甚一日非治世所宜有也其卽通  
行榜諭官民人等宜遵禁例如有仍前奢僭者罪不宥

嘉靖八年尚書李時言每年四月京師諸寺有叅禪禮佛  
之會男女雜遯大敗風俗宜行禁諭 上謂其言有裨

風化卽命所司巡視逮治都察院榜示中外嚴爲禁革

九年二月鄧御史汪鉉以風俗奢侈奏請刊大明令禮儀  
定式及 皇上親降勅諭有違令者以法繩之 上曰  
禮所以辨上下定民志故官民服飾房舍器用 祖宗  
皆有品第著爲定式近者貪官豪民陵節犯分日習奢  
侈尅剝兼弁職此之由其令在京巡城御史在外巡按  
御史檢察不法者具狀以聞

十六年 月御史胡鰲言京師天下之本京師縱淫則天

國朝典彙卷一百三十三  
下式之請勅禮部禁約凡僧人娶妻及無度牒者令自首還俗免其本罪又內外居民倡優雜處請下五城諸非教坊兩院者盡逐去都御史王廷相等覆可 上曰僧道倡優犯法自有律例御史所言鄙俚褻瀆爾等職總風紀不行糾正乃依違覆奏甚乖事體本當查究姑從輕胡鰲降二級調外王廷相等各奪俸兩月

都御史王廷相言古之君子難進易退寧自守以俟時無寧毀道以求進故足以康濟世務風勵時俗也今士風與此殊異一登仕宦之途卽存僥倖之念諂諛賄賂無所不爲遇一官缺必有數人競爭於是京師有講捨攘

之謠而廉恥掃地矣其爲世道不祥莫大焉

十八年大學士顧鼎臣奏近聞四方無籍之徒潛住京師偵探各衙門事務驀藏鄰舍財賄家人官吏人等捏寫帖票囑托公事無所忌憚又臣原籍蘇州府近多假克臣親族私出路引賄買關文駕舟懸牌裝載客貨所在騷擾迓匿租稅又有詐克官職恐嚇害人似此違法生事何止一端乞勅都察院通行禁治詔自今有指稱大臣名色於內外各衙門假託生事者都察院務嚴加捕治卽通行各衙門知之

二十四年給事中查秉彝上疏曰頃歲以來風俗寢侈都



國朝典彙卷百三十三 風俗  
城爲極職官則輿馬無制貴戚則第宅服用無章士庶則冠婚喪祭宴會之禮踰式家蓄技巧之功市列慢藏之賄轉相慕效漸以成俗始於世祿之家好作無益崇尚虛靡以蕩民心四方罷閑無籍之徒聚黨遊食變亂黑白以愚黔首此誠敦倫壞教之端藪姦誨淫之地也臣竊以爲欲安天下在息盜賊欲盜之息在保良善欲民之善在明禮制禮制明則人知節儉節儉則無求無求則廉恥立而禮義之心生姦盜之原塞矣禮部覆如議 上是其言命中外嚴爲之禁

二十七年給事中姜良翰奏天下之患在於吏治之不清

豪強之玩法農民之失業而其原皆自風俗侈靡始請申明禮制以章示下民凡飲食服舍輿馬器用之數悉差爲等第令不得踰越然後塞兼併之源嚴貪墨之戒驅遊惰之民復生養之業使法令一而習俗同禮節崇而民志定禮部議是詔都察院出榜禁約通行遵守  
隆慶 年都御史葛守禮言禁奢僭以明禮節原風俗十事其一言士庶敢於犯上寢成亂階請行內外諸司極力矯正九言冠服居第輿馬器用之類一切奢僭勞民耗財請行各御史禁約 上以有裨風教命如議行

